

Gwaith haearn hanesyddol Brymbo am adrodd ei hen, hen hanes

19/03/2020



Bydd cyn-waith haearn a dur Brymbo ger Wrecsam yn cael ei drawsnewid i fod yn atyniad ymwelwyr, canolfan gymunedol a gofod busnes newydd.

Diolch i grant o £4,147,200 gan Gronfa Dreftadaeth y Loteri Genedlaethol, bydd y prosiect pum mlynedd hwn yn cynnig cyfleusterau, swyddi, hyfforddiant a phrentisiaethau newydd i'r ardal.

Bydd hefyd yn diogelu'r 'goedwig ffosilau' 300 miliwn o flynyddoedd oed ac yn ei agor i ymwelwyr. Darganfyddwyd y safle rhyngwladol bwysig wrth fwyngloddio glo brig yn 2003.

Aiddychmygu etifeddiaeth ddiwydiannol



Gwaith Brymbo yn yr 1980au

Sefydlwyd gwaith Brymbo gan y diwydiannwr John 'Iron Mad' Wilkinson (1728–1808) a wnaeth ei ffortiwn yn arloesi mewn gweithgynhyrchu nwyddau haearn.

Yn dilyn llwyddiant ei fusnes toddi haearn a dyfeisio technolegau newydd, dechreuwyd cynhyrchu dur ar y safle o 1885. Ffynnodd y busnes yn ystod y degawdau canlynol.

Fodd bynnag, canrif yn ddiweddarach daeth tro ar fyd. Yn dilyn dirywiad y diwydiant yn y 1970au a'r 1980au, dioddefodd Brymbo yn enbyd ac yn y diwedd daeth cynhyrchu i ben yno yn 1990.

Gadawyd y safle fwy neu lai'n wag a'r gymuned leol wedi ei dinistrio ar ôl colli 1,125 o swyddi.



Canolfan ymwelwyr y Siop Beiriannau

Dyfodol newydd

Mae disgwyl i'r safle ddenu hyd at 37,000 o ymwelwyr bob blwyddyn ar ôl cael ei adfer, a bydd:

- Y Siop Beiriannau yn cael ei hadfer a'i hailwrpasu fel **canolfan ymwelwyr** fydd yn cynnwys arddangosfa treftadaeth, siop a chaffi, gofodau swyddfa/gweithdy i'w rhentu a gofod hyblyg ar gyfer dysgu a chyfarfodydd.
- Ailwrpasu'r Gweithdy Patrwm a Seiri fel **gofod arddangos, dehongli a digwyddiadau**.
- Creu awyrgylch dan do, wedi ei ddiogelu i **gloddio a chyflwyno'r goedwig ffosilau**, gan alluogi ymwelwyr i fynd ar daith gronolegol drwy hanes Brymbo o ffosilau i lo, haearn i ddur, cau i adnewyddu.
- **Adnewyddu a thrwsio strwythurau hanesyddol**. Bydd rhain yn cynnwys T?'r Asiant sy'n adeilad Rhestredig Gradd II*, y Lofa Chwyth, a chyfres o adeiladau'r gwaith haearn gan gynnwys y Ffowndri, y T? Castio a'r Ffwrnais Chwyth.
- Cynnal **gweithgareddau ymgysylltu a dysgu** ar gyfer gwirfoddolwyr, pobl ag anableddau a phobl sydd ar incwm isel.

Mwy o wybodaeth

Cofiwch wyllo Coast and Country ar ITV Wales heno (Iau, 19 Mawrth) am 9pm i ddarganfod mwy am brosiect cyffrous Brymbo.

Efallai y bydd gennych chi ddiddordeb hefyd mewn ...

Gastell Cyfarthfa

Newyddion

From revolution to regeneration: former industrial powerhouse hits National Lottery jackpot

Thanks to National Lottery players, one of Wales' most historic towns is in line for a fantastic £6.6million facelift.

14/02/2017

Bydd neuadd yn Sefydliad Mwyngloddio, yn cael ei adnewyddu

Newyddion

Mining Institute hits gold

A total of £8.6million in National Lottery grants will preserve UK's industrial heritage, from Newcastle's Mining Institute to Sherwood Forest's industrial past

09/07/2018

Newyddion

25 mlynedd: adfer ffyniant a balchder ym Mlaenafon

Blaenafon: cymuned ailenedig Wedi'i leoli'n uchel ym mlaenau cwm Afon Lwyd yn ne Cymru, mae Blaenafon yn gymuned sydd wedi'i meithrin o wres, mwg a llwch y chwyldro diwydiannol. Roedd ei waith haearn a'r pwll glo yn darparu cyflogaeth i'r rhan fwyaf o drigolion y dref tan 1980. Roedd siopau'r dref
24/09/2019